

[No te 15 o Aperira i tu ai te hui o te Hahi Maori o te Takiwa o Turanga, ki Whare-kabika; i reira te Pihopa, nga minita tokorima, me nga mangai reimana tekau ma tahi. E waru nga motini i whakaaetia. Na Pene Heibi raua ko Te Hahi Houkamau te motini tangi mo Eruera Kawhia, whakamahara hoki mo nga pariha e toru o Ngatiporou kei te tu tahanga. I whakaaetia ko Reweti Kohere kia poolitia hei Reimana mo tenei takiwa ki te Hinota o te Pihopatanga. Ko te hui a tera tau ka tu ki te Pariha o Rangitukia.]

HE PANUI

Ki te tangata e hiahia ana ki te Rawiri, ki te Himene: he nui noa atu nga pukapuka kei a au inaianei: ko te utu:—

<i>He mea mi, kiri noa,</i>	...	2/6
<i>He mea mi, kiri pai,</i>	...	4/-
<i>He mea paku, kiri noa,</i>	...	1/-
<i>He mea paku, kiri pai,</i>	...	2/6
<i>He mea paku, kiri pai rawa,</i>	...	3/6
<i>He Himene,</i>	...	1/-

Maku e utu te Pane Kuini hei tuku atu i nga pukapuka ki a koe.

NA II. W. WILLIAMS,

TE RAU, GISBORNE.

NGA TIKANGA O TE PIPIWHARAUAO.

I. Ki te tuhi mai ki te Pepa me penei:
TE ETITA O TE PIPIWHARAUAO.
TE RAU, GISBORNE.

Kaua rawa e tuhia te ingoa o tetahi tangata

II. Kotahi putanga o te Pepa i te marama hei te wiki whakamutunga.

III. Ko te utu o te Pepa e rima hereni, 5/-, mo te tau.

IV. Ko nga moni katoa e tukua mai ana ki Te Pipiwharaura, me nooti o te Poutapeta; oira ki te kore e taea tena, e pai ana me te tuku mai ki te pane-kuini, engari hei nga mea kotahi kapa.

HE WHAKAKITEKITE NUI.

No te 15 o nga ra o Aperira ka whakatu-wheratia te whakakitekite nui, ara te *ekipihana* ki Parihi, te tino taone o Wiwi, a hei te rima o nga ra o Noema ka tutakina. He whakakitekite nui whakabarahara tenei. E 270 eka e kapi ana i nga whare, i nga taiaapa. Ko te utu katoa o te whakaarahanga, o te whakaha-crenga e £5,000,000.

He nui nga mea tino whakamiharo atu e kitia ki tenei whakakitekite. He maha nga rere wai he mea ata hanga e whangai ana e te 500,000 karani i ia haora, i ia haora; ko te mea nui rawa o aua rere e 30 putu te tiketike 100 putu te whanui. Kei reira te ruuma nui atu i te ao katoa, e eke ana ki te 15,000 tangata e noho ana ki roto; kei reira ano hoki tetahi karaihe titiro whakabarahara, e £60,000 te utu. Tino tata tonu mai te ra me te marama ki te tirohia atu i roto i taua karaihe. Ki te noho te tangata ki te pito ki runga o te marangaranga (see-saw) ka puta ia ki runga ake o Parihi. Ko tetahi puia kei reira i whakaritea ki te puia o te Puke-ki-Whenua (Vesuvius), ano he tino puia, e puta ana te mura me te whanariki. He moana kei roto o te whakakitekite hei takanga mo nga ika tipua o te moana. Kei reira ano hoki tetahi whare maori he mea mau atu ra ano i Niu Tirenī nei. Tera atu tona tini o nga mahi o taua whakakitekite: nga tini mea o te ao kei reira, nga mahi takaro, nga mahi ahureka. Hei reira tauwhainga ai nga tangata tino tere o te ao mo te eke paihikara; ko Hatarana (Sutherland) te toa o Niu Tirenī nei e haere ana, ko ia hoki te tiamupiana o konei. Kei te whakaekē te mano, te tini o te tangata, o nga wahi katoa o te ao ki Parihi i enei ra, ki te matakitaki i te mahi a te Wiwi. E kiia ana tera e eke ki te £40,000,000 e pau ki Parihi i te kumenga a tenei whakakitekite. Auahi ana! Ka kino te haere a te Wiwi!

NGA HUA KAREAO MA TA TATOU MANU.

1/- O. S. S. T. 5/- Peka Kerekere, Pita Pokia, Hakeke Tamarakohia, Te Mataitua Taitani, E. P. Anahau, H. Kanga, W. E. Sano, F. A. Hamford, Pita te Hau, 4/- A. Tanga, 2/6 Raka Aratapu, Hiwawa Whatani, Hira Taruki, 2/- R. Moari.

MO TE MATE-KAI KI INIA.

10/- Reweti Kohere, 10/- Wi Tangaere, 5/- Tio Mamera, Te Od Mamera, Urupa Huhu, 2/6 Iwora Tamaputua, Nga rangi Tamaputua, 2/- Kerepe Tahuri, 4/- Tama Wahi, Wiremu Kerekene, Turuturu Ngaki, Te Mura Tokoaia.

(Kua pamitia ano enei kohikohi ki te nopepa pakeha.)